



Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvvs I., Stephanvs IV., Adrianvs et Pseudopapa Constantinus miserunt & reges Francorvm, Carolvm Martellvm, ...

Gretser, Jacob

[München], 1613

Item exemplar Epistolæ eiusdem Papæ, ad Domnum Pippinum regem, per VVulfardam directa, in qua continentur, gratiarum actiones, & vberrimæ laudes, pro defensione, sanctæ Dei Ecclesiæ poscens ...

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

*Item exemplar Epistole eiusdem Papæ, ad
Domnum Pippinum regem, per Wulfardum directæ, in qua
continentur gratiarum actiones, & uberrimæ laudes, pro de-
fensione sanctæ Dei Ecclesiæ, poscens adiutorium, contra Lan-
gobardos, eo quod ipsi Langobardi in magna arrogantia
permanentes, & iniustias sanctæ Dei Ecclesiæ
minimè reddentes.*

XXVII.

DOMNO excellentissimo filio & nostro spiri-
tali Compatri Pippino Regi Francorum, &
Patricio Romanorum, Paulus Papa. La-
tor presentium litterarum sollertissimus Wulfardus,
Eximietatis vestræ fidelissimus, plenas iocunditate
nobis attulit litteras, quas & cum ingenti lætitia man-
cipantes atque lectioni referantes, magna exultatio-
ne ouantes releuati sumus agnito scilicet per eas præ-
fulgidæ excellentiæ vestræ dilectionis affectu erga
Apostolicam sanctam Romanam Ecclesiam, atque
fautorem vestrum, cœlorum regni Ianitorem, princi-
pem Apostolorum, beatum Petrum à vobis exhibito;
Qua de re iuges omnipotenti Deo efficacius persolui-
mus grates profectò, dum tam præcipuum fortissi-
mumq; virorum, his in diebus sanctæ suæ contulit Ec-
clesiæ tutorem.

Interea Christianissime Dei providentia, victor
Rex, gemina festiuitatis peregrinus gaudia, in eo quod
optata cordis adepti desideria, in vinculo spiritualis fœ-
deris pariter sumus adnexi, præfatus nempè sodalita-
tis vestræ illustris Missus, preciosissimum nobis super-

** Exstat
eadem Sox næ gratiæ munus attulit * Sabanum videlicet, in quo
apud S. Bonifacium Epist. 10. § 145. Hic linteum illud significat, quod siliola Pippini iamiam
baptizata tegumentum præbuit.*

nostra

nostra dulcissima, atque amantissima spiritalis filia, sacratissimo lauacro abluta, suscepta est; quem & cum magna iocunditate, aggregata populi cohorte, infra *auram sacra^ti corporis, auxiliatricis vestrae, B. Pe-^{*f. aram.} tronilla, quae pro laude aeternae memoriae nominis vestri, nunc dedicata dinoscitur, celebrantes Missarum solemniam, cum magno gaudio suscepimus, & per altarium eundem Sabanum, eam, tanquam praesentialiter, nos suscepisse gaudemus. Vnde quia amor fidei vestrum benignum igniuit cor nobis per vinculum spiritalis foederis adhaerendum: iuxta quod Domno, & germano meo, beatae recordationis, sanctissimo Stephano Papae spondestis, magnas gratiarum actiones à Deo protectae Excellentiae vestrae persoluimus, implorantes crebro diuinam misericordiam, vt *aui^s *longauis. vos ac prosperis in solio regni cōseruans tueatur temporibus, & magno gaudio de ipsius spiritalis nostrae filiae perfecta aetate vos iocundari permittat, ad exaltationem sanctae suae Ecclesiae.

Et quia copiosa nobis, ipsa Spiritus sancti scilicet paternitatis gratia, quae, opitulante Deo, inter nos rata consistit, auctoritas, fiduciam contulit, peto & deprecor, benignissime spiritalis Compater, optime Rex, vt ceptum redemptionis Dei Ecclesiae & plenariae iustitiae B. Petri perficere iubeas bonum opus, direxit quippe nobis insignis bonitas vestra, per suos afatos sibi innotescere aduersantium causarum euentus, vnde certam à Deo protectam eximietatem vestram reddimus; nihil nos vsq; haecenus recepisse de his, quae per nostros Legatos Excellentiae vestrae petendo mandauimus, solitè namq; perfidi & maligni illi in magna arrogancia cordis permanentes; nequaquam

S

quam

quam inclinatur iustitiam beati Petri restituere. Tamen omnia qualiter acta sunt, referentibus vestris Missis agnoscere potestis: & subsequentem nostrum Missum ad vos dirigimus, dignas vobis gratias de omnibus referentes, & cuncta per eum eximietati vestrae dirigimus in responsis de his, quæ in antea prouenerint. Sergio verò Archiepiscopo, iuxta id, quod vestrae innotuit Excellentiae, indefinenter imminemus, ut suæ restituatur Ecclesiae. Petimus autem Excellentem bonitatem vestram, ut Reuerendissimum & Sanctissimum Fratrem & Coepiscopum nostrum Wulcharium, sicut præfatus, beatæ recordationis, dominus & germanus meus, sanctissimus Stephanus Papa, eum benignæ eximietati vestrae commendauit, in omnibus commendatum habere iubeatis. His prælibatis trinus & vnus Deus noster sua vos extensionis dextera protegat, cum dulcissima coniuge, excellentissima Regina, spiritali nostra Commatre, atque amantissimis vestris meisque filiis in solio regni sospites permanentes, & in præsentī vita, & in æterna beatitudine vberimè concedat valere. Incolumem Excellentiam vestram gratia superna custodiat.



Item